

武甯縣志卷之三十七

藝文詩

古體

宋

贈鄭郊

黃庭堅分甯人

高居大士是龍象草堂丈人非熊羆不逢壞衲乞香飯唯見  
白頭垂約絲鴛鴦終日愛水鏡菡萏晚風凋舞衣開徑老禪  
來煑茗還尋密竹逕中歸

山谷年譜元豐六年癸亥十二月先生自太和移德平鎮  
蓋是歲歸舟自湖濱入修江由武甯而至分甯其贈鄭郊  
詩蜀本詩集注云山谷有荊州爲興上人書此詩跋云癸  
亥歲予解官太和過武甯聞清上人當來延恩因謁鄭子

武甯縣志

卷三十七

藝文古體

一

三百九十四

通問消息詩題子通之壁草堂鄭郊處士隱處也云云予  
家所藏舊本如此老禪謂延恩長老法安安死於元豐八  
年山谷爲之銘則此詩蓋是歲經途所作見山谷集

按鄭郊字子通此詩山谷過草堂訪靈源消息時作也山  
谷集詩題但有贈鄭郊三字舊志載同靈源過鄭山人草  
堂者誤又訛鄭郊爲鄭文今從本集訂正

黃龍清和尚真贊

黃庭堅

黃河徹底凍白髮通心白雖有顧陸手百巧畫不得

寄清老三首

萬山不隔中秋月一鴈能傳寄遠書深密伽陀枯戰筆真成  
相見問何如

風前檄攬星宿落日下桃柳羽扇開昭默堂中有相憶清秋



忽遣化人來

騎驢覓驢但可笑非馬喻馬亦成癡一天月色為誰好二老風流只自知

以上見山谷集

武甯道中

韓駒成都人

小灘嘈嘈大灘惡朝行羊腸暮鹿角盡日拖舟不得前忽然  
綆斷千尋落上梁左側石子多兩舷與石鳴相摩卧聽舟師  
倚篙哭將如二十四灘何

按駒字子蒼紹興間自館職斥宰分甯縣時作也子蒼館  
中詩有黃葉句最為世所推云

武甯有酒樽短頸寬腹漆其外戲為短歌

此君少日青而臞邇來黑肥如瓠壺縮肩短帽壓兩耳無乃

武甯縣志

卷三十七

藝文古體

二

四百十

戲學騶侏儒人言腹大中何有不獨容君更容酒未須常要  
託後車滑稽且作先生友少陵匏尊安在哉次山石曰空飛  
埃茅檐對客夜驚笑麴生叩門何自來老向人間不稱意但  
覺淵明酒多味乞取田家老瓦盆伴我年年竹根醉

三溪

行人尹怨安成

三溪溪水別原委長日波光蕩無已曲折有如九迴腸合滙  
門前清徹底只看秀色照眼明溪上閒遊不倦情何年得作  
逋榮客好結芳鄰一濯纓

書堂山

結屋清幽推第一蒼山重疊翠如織書聲夜半撼奎星報國  
攄忠多踵跡牕邀霽影開鴻濛竹色清涼人簾櫳當年藏書  
人已遠我來猶一望餘風

枇杷峰

青峰高聳接雲天，邈迤不斷復盤旋。上有枇杷垂清蔭，競說其下有牛眠。昔時人往不可作，鬱鬱青峰長似昨。我從今日一臨風，百年之間徒漠漠。

補遺

次韻叔父夷仲送夏君玉赴零陵主簿 黃庭堅

田竇堂上酒未醉，已變態何如東陵瓜子母。相鉤帶富貴，席未煖珠玉作災怪。茅茨雖長貧，終有懿親在。丈人困州縣，短髮餘會撮。居然枳棘棲，坐閱歲月代。青雲已迷津，濁酒未割愛。簿領能無休，飢餓喚魚菜。羈旅苦地偏，江湖見天大。萬里一帆檣，長風可倚賴。因行訪幽禪，頭陀煙雨外。

見山谷集

武甯縣志

卷三十七

藝文古體

三

三百三十七

元

太平山禱詠 二十二首

極高明亭

揭傒斯 豐城人

太平最高峰，署亭更瀟灑。一作著亭但有日與月，晝夜繞簷

下

北極山

雲歸樹繞環，雨餘山更淨。長嘯天地低，引手捫斗柄。

龍井

井水深莫測，甘冽如沆瀣。一朝蟄龍起，霖雨滴下界。一作澤下界

龜山

洛水載書出，化為碧孱顏。堂堂富川郡，永鎮東南山。

鶴山

作鶴阜

仙人出未還老鶴惜一作無伴延頸一作東臯山不知日已晚

枯楂溪

枯槎大幾何泛泛此溪渚會乘天上去殷勤問牛女

雲旗峰

天風西北至獵獵動雲旗卻訝西王母瑤池晝下時

雷巖

空巖發靈籟彷彿如風雷只宜函寶劍天遣六丁開

三仙坡

坡上春雲白坡前瑤草長仙人三十指曾此采幽香

榔梅一作楠梅

少年武當至寄此南枝春歲歲滿一作樹上花開遲故人一作

武甯縣志

卷三十七

藝文古體

四

三百字

花開好故人

義櫟

異根卻連枝欣欣更榮發詠出一作幽中人此義良一作可長示

法

鹿跑泉一作虎跑泉

山靈驅猛獸跑一作出一泓泉流作人間去還為大有年

五雷峰

烟雲常黯淡時護五雷峰忽爾雲烟散撐空翠萬重

龍門

石門高幾何自非神禹鑿有時龍忽歸滿山風雨作

孟姥潭

何年孟氏姥照影石潭底姥去不可追至今名在耳

獅子巖

愛此獅子巖宛若獅子踞忽然一咆哮清音滿天地

梧桐岡

梧桐葉初凋高岡秋瑟瑟鳳凰飛去來月明如白日

葫蘆石

睽此石葫蘆不隨草木壞誰能剗其神納此大千界

虎跡石

茅君騎虎來石上遺虎跡豈無莓與苔自是不敢藉一作

豹齒石

白石亦何堅交豹來齒之齒之痕尙在無乃神所爲

石人洞

陰洞有靈藥不知幾經春年來荷鑪治一作年來化作石丈

武甯縣志

卷三十七

藝文古體

五

三百五十四

人

仙跡石

仙人赤雙腳踏石如踏泥泥痕尙可沒石痕不可迷

按揭後斯宇曼碩與楊宏虞集范梈爲元四大家舊志僅錄十二首又訛亂其姓名今從本集通志互考訂入

絲海昏入武甯道中

范梈清江人

登高勢欲墜踰險心始懍戒想適其恒經過何由騁洩雲行  
崦彩雲落浥澗苔元蟬振山淒皓鷺團沙整久盼歸舟近况  
懷垂釣永豈不畏巖程無因攬流景烟霞蘊至樂歲月啟深  
省百丈有幽期眷茲心耿耿

白雲篇

僊巖老人

翹首空巖下徘徊望白雲仙人不可見山風吹我寒石路何

齒齒石溜何潺潺來者難拒絕去者莫追攀委心於巨壑樵歌入耳繁

明

遊魯溪洞歌

通判張翼

天開魯溪洞呼噏吳楚間龍菴映草樹菴藹羅峰巒蒸雲飛甘雨流水興層湍豈無神物護疑有龍蛇蟠我行屆徂暑履畝良苦艱居民頗古樸導我陟巘岵肩輿入窈窕應接開心顏苔楸落斑駁瑤草翻朱殷鏞鼓答幽響龍象相迴環石田分十二一一長琅玕下臨千仞淵江漢通潺湲因之坐終日頓忘塵外喧清冷颭天籟忽欲灑雙翰命酌歌短什飄然出霞烟茲山信奇絕造物妙無端仰天發浩歎雄劍鳴珊珊

東溪兄攜酒過黃厓書屋

儀賓余弼柳溪山人

武甯縣志

卷三十七

藝文古體

六

四百六

有客叩我門手攜玉壺春爲言長相憶慰此骨月親多謝丈人輩爲我誠殷勤列坐倚幽竹剥棗雜餘珍觴行輒復飲安知有主人談笑共真切詼諧出垢塵高林華屋蔭爽籟清風生追隨出門去山氣轉分明因思謝好爵偶爾還躬耕苟免生前辱何事身後名

田家

早年不省事遂爲簪組慮顛倒七八年餐嚼無好味誤落塵網中欲去不得去結駟與連騎僕僕風塵內田家有美懷榮辱無所繫松竹蔭邱墟好鳥來上啼老少羅堂前不識官與吏自種還自獲食之終無媿誌歷不解數日月何曾記厚薄從所願取樂皆真意甘肥難久居吾當知退避

賓陽山齋讀陶詩有感四首

勞生非所欲盛滿難久延嘉彼康惠心勉旃成自然尚友千古人能達經與權後來向道者得之終成偏在昔頗奇僻莫知方與圓每懷山中念欲買柴桑田欲之不可得恨無萊婦言二仲旣以緬遂爲塵事牽

鬱鬱秀孤松託根於此中時時接天籟日日響清風自言歲寒盟不與華姿同上有千年鶴下有絲苓通

漪漪窻下竹獨向堂前青歲歲經霜雪無辱亦無榮不入羣芳伍高節由自成清風脫然至君子來好音

青青塔下草汝生亦何好亦匪爲酒漿亦匪爲珍寶服之不療生佩之不成道蓬蓬覆我塔營營令人惱霜露未曾秋哀爾先潦倒

歸豫甯別業

武甯縣志

卷三十七

藝文古體

七

四百三十五

浮生常慕百百年終有盡何用苦奔趨長懷憂與悶汲汲功名士不辨鄒魯訓嗟嗟壘斷人乃爲銖兩困所以南陽賢終不長尺寸桐江千古師彭澤百世令託身與道俱庶幾能順命

五月朔後一日偕魯江諸君自寒泉樓歸賓陽莊

溽暑揮塵襟市廛寡所諧巾車出北門珍重更裘裒眷言息所憇幽徑日夕開蒼松響天籟翠竹交予懷中有好鳥音爲送清風來

堂下竹

幽竹抱清况不爲時所移風雨自顛越中有平安枝於焉見高節直哉懷素姿冷冷空齋內相對常依依堂上我爲主堂下爾爲賓爾賓誠不惡可以滌吾塵

魯溪洞吟

邑貢 余長祚 見南

魯溪之山高且深魯溪之洞何太奇大者為堂小者竇萬竅互達無窮時玉乳上承或下垂五色蔚繪光陸離亭亭瑤桂間罌罍復擬猶龍及踞獅幢幡鐘鼓影還疑石田井列孰經畫當年種玉今不移張炬猿引歷鳥道應接不暇驚殊姿顛厓奔出地無底絕頂倒漏天如規萬古應留闕靈怪咄咄鬼工奚所施幽泉琤琮透石罅龍湫掌大猶停卮對面一線不辨色尋源白晝風雷欺興來鞭石欲渡之更願攜家向此住日與仙人攬六博餐五芝倏忽叱將羣伏起青牛紫鹿相追隨再來卻為桃花誤武陵漁人安足師

修江別業雜詠

先大夫為賓陽莊時有八景詩與客倡和不肖童時侍杖

武甯縣志

卷三十七

藝文古體

八

五百十字

履先大夫語之曰茲地不必勝景不必備顧披棘葺宇種樹穿渠平生心力頗瘁於是小子識之先大夫捐館舍距今十年語在不肖耳宛如昨日爰本舊意間有新增目凡二十詩亦如之匪敢希蹤朝川之詠抑冀大雅君子不吝

裴十之和云爾

目盼青桐柯虛堂滴寒色對此千尺材元龍無氣魄 雙柏堂

空翠撲幽亭搢頤坐忘暑仙人來有時嗒焉亦無語 搢頤亭

風起秋山空片片白雲墮齋中人不知北窻但高卧 自怡齋

斯人百世師遺榮任蓬累臺上有青山臺下有流水 高風臺

山雲昨夜雨水面平如席朝來霽景澄林光弄深碧 北渚

誰以青芙蓉幻作金屈戌中有餐霞子時乘雲氣出 南屏

人道千尺深萬尺那可測不信有龍蟠試看雲五色 靈源



抱甕出深林爲園學漢陰紛紛桔槔者甯識丈人心午何

茲塘名自古王公何代人不知吾與爾千載定誰真 王公塘

培塿狀類螺小大紛相糾試看把柄時居然落吾手 螺山

修篁閎白日宵映霏晴雪薄暮天風吹高樓玉笙徹 筠雪樓

相傳白鶴仙此地騎鶴去翹跡企青冥雲螭倘可馭 進仙嶺

晏坐淹晨暮戀此橙樹林何如行路者不擇惡木陰 橙樹林

古松不記年蒼雲晝漠漠獨自繞林行四面金粉落 松花塢

未有此堤時車馬跡如掃今日堤上客紛紛事幽討 來賓堤

野迥四鄰寂周遭垣作關祇應護松竹仍不礙雲山 短垣

湖風蕩綠波臨流快於剪棠棣歌相和東南宴仍展 二難湖

斗酒不自勞伏臘邀鄰叟直以願豐心長令四海有 豐社

攜客半林遊行懷深不怨一醉灑松風我眠卿且去 慈石

武甯縣志 卷三十七 藝文古體 九 五百三十三

臨流置片石日日擲竿坐貪看江上山不忍爲魚禍 垂綸磯

憫旱行爲范令君作

君不見去年赤旱百餘日萬落千村半空室今年盛夏魃尤

虐八月炎風雨尙閣修江流斷井泉竭夜夜轆轤聲不歇沙

邊乾雀乾欲死岷巔枯樹禿如指田成十字盡龜文四望紅

爐野火焚東鄰老翁年九十說此窮愁生未習西家寡婦仰

天哭孤兒牽去換新穀范君范君何其仁倉卒下車纜及旬

剪爪犧身坐待旦洗滌犴狴秋回春油雲未應桑林疇蒼赤

胡能格穹昊代民請命緩誅求遶室旁皇中如禱衙前羣吏

類饑烏堂上冰心注玉壺我有賢侯真足恃不愁彫瘵不全

蘇

山齋中秋夜不見月

商飈挾山雨虛堂生暮寒浮雲蔽清魄徘徊空夜闌吟蛩依  
壁底似發幽人歎履滿昔所戒盈虧數恒安詎得古人存干  
澌與俱看瓜果佐壺觴聊適不爲歡榮悴感物理明晨且加  
餐

豫甯山莊寄荅豫章諸游好

商飈蕩林杪萎葉辭其枝豈不繼故條飄散固有時余本巖  
阿士寄跡東城隈門多長者轍知不厭茅茨比返邱園卧軒  
駟絕追隨俯鑑清泉流仰睇浮雲飛良夕坐澄景悠悠想風  
期古歡靡遐棄尺素仍相詒努力問加餐殷勤託新詩焚香  
長跪讀宛若覩光輝歲晏冰雪繁山中安久羈擬飭青翰舟  
凌寒泝流澌預假晨風翼薄言寫中懷執手既弗遙毋爲心  
煩悲

武甯縣志

卷三十七

藝文古體

十

四百八十六

鷄鳴山

邑令潘潛銅陵人

留室尙清虛至人多隱居飄飄衆仙子何處覓霞裾

九宮行

侍郎朱廷立兩崖

嗟乎九宮山高不知幾萬丈神鰲移來自海上天地東南有  
偉觀鬼琢神雕誰可狀千畦萬壑何巖崿東與蓬萊相並雄  
至今海上羣仙會共羨中原有九宮兩崖仙人頗好奇登賞  
每與茲山宜天馬爲我吹陰翳白日爲我開心期捫蘿振袂  
歷茶寮古廟丹青鎖寂寥飛泉噴雪萬仞下而我髣髴聞風  
潮穿林下坡復上山兩峰離立爲仙關凡夫到此不敢上恐  
驚天上嗔人間歸雲橋轉萬竹連石屋雲關生翠烟側身已  
覺不在地仰面長嗟直上天當關巨石誰可闢云是仙人試  
劍石石上何人更作亭奇字殘碑猶可釋千盤百折到宮門

怪松倒石驚人魂向來他山望不極爾今眇小如兵屯巒迴  
徑轉忽平衍雲間隱隱聞仙犬羣峰環抱中如林直造壺天  
興不淺道人相見樸且野無乃桃源避秦者陶姚仙跡日在  
眼花木當窻秀如冶東溪西溪襟帶流龍嵯虎嵯佳氣浮地  
高鳥雀不得過潭光隱見蛟龍遊入夜仰天天氣澄撥雲峰  
頭斜月明明日山下人傳說昨夜滿天雷雨鳴吾聞真人昔  
棲此解道談元得宗旨奎章遙下天子庭遂使茲山遍金紫  
真人乘雲不可尋蟬蛻猶存香火深謝公詩句天下重我輩  
疎狂時一吟鳳凰山駱駝嶺青猿洞白龍井眼前俱是空中  
景會須揮灑瑤瑤篇景物文章共馳騁君不見周子著書南  
嶽側七十二峰皆變色又不見晦翁鼓楫武夷濱九曲之水  
皆精神

武甯縣志

卷三十七

藝文古體

二

四百七十七

古柏歌

盛宗齡 長庚邑人

先祖手植廳前柏縹緲雲端高何極霜皮栗栗幾經秋百尺  
常有好顏色虬枝結屈巢元鶴根盤厚地深莫測昔時雷雨  
瀆大野云是蛟龍之窟宅至今父老戒剪拜摩挲其下思遺  
澤我來窮冬益濃華黛蓋參天攀不得如此喬木國之珍賢  
宰憇此終愛惜君不見武侯廟前古銅柯杜甫歌聲出金石  
按古柏盛東民植見古蹟

國朝

看鶴亭二首

邑令馮其世 雲夢人

一室撫鳴琴守官閒以清每憐雲月好上我看鶴亭  
顛顛江天遠遙遙秋夜月攜琴坐石上有羽如飛雪

烈風吟

蕭露讓 邑人建九

戊辰四月旬之七陰風慘淡迷天日拔木發屋山動搖九村  
十村悲無巢山口居人禍最烈瓦礫空飛棟宇撤老者抱頭  
死溝渠少者翩翩隨鷓鴣風定之時問生死須臾殞滅三百  
指殘喘尙有十一人血污口鼻辨難真其餘生者亦落魄求  
死不能生不得屋旁合抱十株松飛入修江走虬龍吁嗟箕  
伯何太慘餘威數日地猶撼此變不紀人不知氣結嗚咽存  
吾詩

按康熙戊辰四月十七日山口張氏遭風變見雜記

戊子社日泊署志感

盛際斯艱八

昨宵雷雨驟石尤激卽當飄飄遊子舟可憐泊何方此日天  
少霽遠山喜欲朗南村雨已足農房社酒香晨風吹柳線片  
片作雪颺桃花落殘紅蹂躪成濫觴景物望中變何堪繫遠  
武甯縣志

卷三十七

藝文古體

三

五百二十三

鄉有子纔九歲依依立我旁頗畜男兒志不思堂上娘畏書  
如仇讐放曠苦無韉強之以句讀齟齬不上腔怒欲加鞭扑  
還念在他邦顧影自淒其父子只一雙安得長房術爲我縮  
西江骨肉歌既見使我心則降

溪園噉桃歌

傷蕭露灑

往年食桃君在門今年桃熟不見君猶憶及君餐桃處青燈  
燁燁話殷勤果盡燈殘興未罷更呼酩酊酬清夜感嘆溪園  
久寂寥至今唯有桃開謝兒童少小學婆婆醉向君前奮竹  
戈君懷漉渺不可測對此爲之嘯長歌歌申欸欸洩奇理上  
天下地無不紀滿紙低徊結氣深恨不移居作鄰里是時金  
天初流中君歸西岸我亦東偃蹇長安幾度雪文章竟與星  
月空朱顏碧髮隨年變桃花依舊開青菡金樽玉鬯叙朋儔

復得與君園林宴座中心迹未遑論羣雞起唱各飛分豈知  
電逝風雨絕蕭蕭寂寞無還雲使我對桃空歎息使我桃枝  
空墜實秋蓬亂捲寒蟬鳴滿地青紅共誰食此園曾經學士  
築五百年來我復宿桃子離離春復秋人生往復如轉燭荒  
林日暮風索索獨倚桃株自迴薄我亦衰愁多病人未識幾  
見桃花落

春夜泊龍潭遇風暴

汪瀾邑人浣花

雲氣上蒸起狂瀾黑風出洞吹沙翻雷霆戰鬪欲破石閃電  
出沒光迴環鬚髯澤上走百怪須臾驟雨崩危山老龍蜿蜒  
出水戲童蛟屈曲遊涯端天地之奇此一洩忽然月出心平  
安舟師起立尙恐懼船頭拜禱初霽顏言此本屬龜鼉宅復  
有蛟龍居其間燒紙點香拔篙起放船爭下東渡灘

武甯縣志

卷三十七

藝文古體

十三

五百

送盛成十先生歸里

冢宰甘汝來奉新遷齋

憶昔侍側方燥髮先生揮塵清風發上天下地歸函文語如  
懸河走不竭使我心魂爲飄揚滿堂賓客氣象越手持一部  
廿一史往來胸次若柄揭九月秋高泛彭蠡收拾湖光詩滿  
篇詩成一嘯飛雲落蛟鯨顛沛不敢眠回首芝山已十春于  
今復得事周旋先生齒鬢方康壯胡爲結念在邱園大都神  
物難爲知先生於世終澹然窮通豈足累高人林下姓字古  
今傳

按甘公遜齋年少時隨父任廣文父與盛同寅最相友善

宿三山

王世章瑞昌諱夫

山中氣候深秋菊已堪摘我欲登東臯一望陶潛宅白雲千  
里深窳途未可測古人愛體素不受榮名役雖復重一飯事

往無留迹予媿柴桑人悠悠常作客

存吾園十詠

萬族共枯苑營營竟何施君築存吾園君懷更不疑人生靡  
淄潔適意安其癡知者修要道下士或笑之石馬交茅屋千  
載秋風欺雙林有瓊樹空聞故物悲看君堂下竹修修自成  
離停雲于南山悠然無與期半艦吾所泛松濤吾所吹天地  
化爲海駕言已在茲

自賓竹堂發舟夜次巾口別盛季樂余大蛟

孤舟出巾口大河耿秋明蕭蕭蘆荻風送子東南行有酒不  
能飲何以慰離情高天斂清氣坐對想平生夙昔愆世故結  
髮事弟兄江頭候風色波瀾忽縱橫繁華誰家子走馬絡長  
纓四海延泛愛酌血鑄深盟謂當保晨夕中道聞嘆聲頽流  
武甯縣志

卷三十七

藝文古體

西

四百八十二

日浩蕩千載汨其名與子結好來大義靡虧盈慨然望前古  
獨立披榛荆而我爲情累兒女悲中庭垂老當此別中懷紛  
不平羨子雙飛去去去豫章城豫章好秋色文章應壯盛盤  
鼻與悲激索索難爲聽嗟哉勉古道古道如埃塵賓竹有舊  
約孟冬倘能信還當共君輩掃雪注丹經

伊山

邑舉 洪文機 抑菴

昔過太行側崔巍絕埃塵大氣含光化峭削幻鬼神我欲躋  
其巔縱觀東海濱三山端可指日出如車輪及昨遊伊山高  
與太行倫蒼穹疑不遠手可摘星辰趺坐叢嶂下所見只嶙  
峋六合殊空濶胡乃苦逡巡一劍倚天外悠然悟本真

望九宮山

九宮崔巍如立壁東入青雲摩白日飛泉幽壑盡空濛龍湫

劍石尤詭弔中有陶姚洞最深宿雪千年永不失怪松縹緲  
隔雲間天上三峰安可卽我嘗聞之思一往自恨此身落塵  
域茫茫屐齒未躋攀老來拄杖空太息安得寫生有神工相  
攜好絹到九宮爲我圖此奧妙區一洗人間齷齪胸

中村春日大雪歌

山中一寒十日雪萬里蕭瑟行人絕餓鳥掠地不能飛老樹  
壓枝全欲折圍爐柵櫓不敵寒敲冰汲泉手欲裂兩肩上聳  
氣如霧口呵凍筆有戰色且喜積雪三尺強已卜今年無飛  
蝗出門狂呼語鄰叟何弗對雪開壺觴江南性命寄禾稼年  
年秋收集旅亞上天降康會有時合備牲醴賽香罍

題字雲巢竹

翰林李應熙富川屯莫

字雲巢畔竹歲久漸成束上枝拂檐楹下株穿堂足雲或時

武甯縣志

卷三十七

藝文古體

十五

四百六十六

一來夜傍竹根宿雲葉相因依濃陰覆一屋于壑巢其巔看  
雲成一掬小簾面竹開葉葉上衣綠稚雲或待字潏然不出  
谷細戛琅玕聲蕭蕭出寒玉

寄豫甯三盛

豈不惜離別此心難自由我身如浮雲因風南北流舉首望  
青山青山阻以修促膝草應長新詩日以適不得與周旋相  
思恨悠悠

吾家距豫甯計程三百耳相思不相見貧病累如此尙友古  
之人古人則已死生平半面識苦恨異桑梓奈何素心士交  
臂成千里與汝俱非少歡會良有幾倉卒不可諱此恨何窮  
已右見欽定集

登太平山過龍門作

邑令鄒應元金匱清源

石門如壁立縹緲出雙峰嵯峨開氣象峭削撐虛空猿雀飛  
不渡雲霞長半封肩車陟永路仰見日蒙蒙碧水雲關來滄  
浪滿山中風雨時聞作隱隱有神龍曰余蒞茲邑卽政頗從  
容每因事會期卽與山水通周覽經數載得此嘆奇窮多謝  
靈山力深嗟造化工宦情自茲遠賞心與誰同寄語山中人  
應留二仲蹤

宿字雲集

劍山何戍削劍水何幽清新雲與舊雲旦暮浴巢楹我來隱  
雪榻獨坐理雲囊松竹闌清陰窈窕見微明高梧初月上深  
谷寂無聲視聽歸冥漠方知靜者情

尊經閣

教諭 陳嵩齡 崇仁

武甯城北尊經閣爛然雲日迴朱箔千里百里縈修江千山

武甯縣志

卷三十七

藝文古體

十六

四百六十六

萬山列城郭花香晝永薰風來月色夜深繁霜落四時天氣  
相周旋淵默內觀識真樂有經可枕玉可懷有史可鏡石可  
斫玉枕石鏡空氤氳玉堂石室何灼爍五經高懸如五星滿  
闕光華徹山嶠千秋爛爛此心同堯舜先我開橐籥閣上別  
有天地在目前只看飛與躍

龍潭石尋古蹟

邑舉 張應遴 崑剛

龍潭之水深千尺上有蒼蒼之古石江流環抱勢孤危嗽浪  
搖風無崩圻健筆文章常聞作此地登臨久索寞蔓草荒荒  
闕歲深曉暉古篆都斑剝我對斷文捫且推一二存者點畫  
疑倚石踟躕了無得欲削老苔留新詩苔封石久無人拭摩  
娑下撼風雷宅驚得潛蛟吐沫珠一洗寒厓千古色

虎瓜泉



嚴陽山下有清泉泉從石罅瀉潺湲石眼如篩滾滾出傳言  
猛虎爪所穿虎爪搔石如搔土爪痕歷落今可數怪哉虎爪  
縱能關何知石底涵清液尋疑此石久徘徊笑問清泉泉莫  
白君不聞古有拔劍刺山根至今流水出劍痕

修水曲

盛 暮邑人  
于楚

乙卯秋予與霽菴水賓自章江同舟歷建昌至武甯  
逆上修水霽菴沿灘索詩戲為此曲令榜人因歌以  
助肩力

山何綿綿水何修修裂我羅絹十丈不周

五月端陽節郎有萬里遊藕潭絲不斷淺沙難進舟

銅盆注溫湯為郎浣妾容柘林綠桃花紅

送郎上馬郎馬不前郎下馬意纏綿

武甯縣志

卷三十七

藝文古體

十七

四百三十二

利刀欲破石三硤何離離折斷龍鳳釧生死莫相疑

山上松樹青江中鸞鷺潔妾心與郎心兩兩珍重別

細雨濛濛寒燈孤宿腹轉羊腸有如瀦石曲

妾在中房病郎在車頭好西風徐徐下使儂枯槁

南鄰煮豬頭北鄰煎鹿角火少水多雞聲喔喔

鳳口銜梧子飛飛楊柳路梧子西落悵然東渡

續修水曲

己未冬同霽菴買舟由武甯往甯州所歷諸灘霽菴  
促予足之復續此曲

張家小姊妹短襦繡梅瀾瀾中有鴛鴦呼儂仔細看

秤勾何日直月光何夜滿抖擻寒衾更長夢短

密雲不雨新田荒鄰人擊牛鼓仰天長吁

鴈陂有鳥比翼翱翔渠梁有魚比目徜徉

仙人臨江江濤孔淵濤高不得渡相望噓歛

昔日桃林影相攜三斗來今日春酒熟桃花又新開

瘦狗吠斜石阿郎歸何時寄語孫家姨爛柴難為炒

朝澆藍絹喜極和杞北岸有舟曰郎至矣

彭姑抱子出喜聞阿兄到僕整龍蟠髻門前有鵲噪

磨鏡理髮搖步上堂小神天神歡喜無量

按諸灘名或一字或二字或三字講山水灘類其間又有潭涯渚水互見云

### 馬山曲

桃樹千年碧菖蒲石栢向仙樂空中舉白雲生惆悵馬山不

可上

### 武甯縣志 卷三十七

藝文古體

十八 四百一十一

山濤何芻芻中有龍石跨大風吹我去茫茫沙塵射馬山不

可下

郎上馬山行李艱難岬霜壁雪損郎容顏

郎下馬山激流潺湲馬首東向水流不還

### 山水雜言

予頗閒寂每好風日笠履所留意興相屬偶壽新名

寵以短韻撫拾星遺得二十章 錄十二章

開懷北嶺上但有萬里明天地皆渣滓吾心獨太清 明月嶺

莫挂黃犢角莫吟白石文後車去已久此音不復聞 挂書嶺

仙人羅雲田田注玉液飲之可長生相視三太息 羅巖

雪簾麗其左文魚隱其右中有河洛圖與誰為受授 水文巖

我欲乘仙羊俛首不肯走且復置之去恐或汚其口 飲羊池

嶺下白風起嶺上白雲多鏡堂照不定萬岫揚其波

仙女治粧罷倚巖盼仙童仙童遙相對歲歲怨秋風

聞雲尚往復斷石卧荒苔當年歌詠盛芙蓉滿池開

幽房通高堂紆行行小巷但有仙梯在白雲自升降

上有煮石樓下有棲真室邈矣避秦人四壁風蕭瑟

石齒何齟齬微雲時吐吞霏霏玉屑下吹作桃花源

白石扃幽徑雲鑰何岬岬中有淨明堂夜半自解籜

拜雁里先生墓

先朝有雁里薄宦冷如水蓋棺止存骨歸葬苦無子墓制何

堅完淑哉唯內姒我為停肩輿低徊拜未已石人眠綠草石

獸缺兩耳年年風雨寒蕭瑟楊花裏

遊黃婆洞

武甯縣志

卷三十七

藝文古體

五

十九  
四百八十四

崕陰扃奧窟靈根隱蟠屈鬼斧鑿其藏怪象互紆鬱透迤梯

磴合節節苔蘚齧中有蒼壁懸猿猴不可越巨石交暄濤晝

夜繩素雪牙角怒噴沸雷雨為變滅小立毛髮寒深邃復誰

測我同健遊人乘興窮所悅捫蘿躡層危跬步啟秘譎元景

遞參差出沒見凹凸幽叢衆籟發如聞太古瑟桃花笑避秦

潭免犢口涅誰為此清虛豁令心肝潔在昔窮曠土匿聲恣

奇穴願與諸君謀徙築搜芝蕨

仙人潭

呂昌言  
邑人  
雨文

維舟仙人潭潭水清且冷蕭蕭流水聲夜闌發深省

斜月照危壁壁水流仙舄仙人去已遙潭水空千尺

豫甯雜詠 二十一章

余騰蛟  
邑人  
藝菴

山色四面來飛翠落亭砌春風送樵客杳然入無際

四望亭

何年橋上月流此元鶴影好風相與來飄然過鹿嶺看鶴橋

修水自西來中流此洄洑夜闌春雨過寒雲卷淨綠洑洲

山色海暮靄殘霞隱絕壁常有仙人來夜夜吹鉄笛丹崖

寒泉漱石根屈折成地肺潛虬媚山鬼風雨恣幽憇魯溪崑

昔人讀書處蒼涼鎖白雲掃雲汲山井冷然清心魂柳山

一泓仙家水清風蕩寒漪甯遣山童汲莫使世人知甘泉觀

丁仙多遊踪此地常棲托白鶴去不歸寒雲長漠漠丁仙故居

孤峯倚絕澗縹緲出天半長風四面來澎湃如欲亂危濤峯

巨靈劈山骨倒落神龍淵明月墮寒影留客聽清猿龍潭石

瑩然一片石女媧隨手挿魑魅斂形影霆電來相狎石鏡山

靖公說法處蕭條一草庵客到驚山鳥銜花過遠嵐靖公庵

仙人覓儔侶乘鹿向白雲乃知塵外客亦復念其羣紫鹿嶺

武甯縣志

卷三十七

藝文古體

三

二十  
五百五十六

小築臨寒渚抱瓮俟時清祇今溪園內常聞秋水聲溪園

嶽嶽修江側江水有清音古之傷心者長此抱膝吟賓陽岡

寒雲落劍山偃蹇如欲息多謝巢中人造化生胸臆字雲巢

郵烟遶青楓寒流下赤鯉為問虬髯翁年年釣綠水楓橋

為汝豎高節風雨教人扶近來賓客少不應汝我疎賓竹堂

結廬向南山山色濃於黛好風迎面來為君起清籟延薰堂

縣流一千尺白日鬪雷霆有時收萬籟故作環珮聲宓蕤洞

神工開肺腑鬼斧鑿幽隘臨流莫種花恐被漁人怪燕子巖

遊靖公嵯盛二于楚同賦

寒潭媚虛影鐵色走絕壁上有乍喧乍寂之縣流下有欲傾

未傾之怪石中通一線何微茫屈折低昂盤崩劣天半常作

風濤聲空翠倒浸衣裳碧危濤峰下望行人如蟻緣纜相絡

繹厓南數畝雜荆莽云是上人靖公之廢宅鐘磬剝落風雨  
痕泥金古佛無顏色我友盛君好事者頻來取酒卧其下窮  
搜幽討不知疲山風爭向懷中瀉酒酣一曲萬籟清舉眼望  
天天青青厓前雲吐微茫月鷓鴣啼寒邨烟發牧童驅犢過  
前溪千峰躩立送余歸

月夜泛修江

邑貢 盧大舉

修江紆滌七百里一輪皓月生流水扁舟載酒且高歌漁火  
星光翻浪底仰視浮雲一縷過太虛洗淨無渣滓溶溶入孤  
懷孤懷不可已漬墨濡毫灑灑瀟洲一幅丈二紙詩興狂江  
風起兩岫松濤聒雙耳人生適意無時無那能水月清輝都  
如此

長墅源

盛鏡

武甯縣志

卷三十七

藝文古體

二

四十六

秋日清且和微風謝炎暑散帶度平原杖策登遠岫嶢嶢若  
造天峯嶺直當戶長棧繞雲飛曲澗穿岷沮逕步欲窮源緬  
陟情攸阻時見山阿人逍遙下林浦眷彼視聽幽慨茲風塵  
阻人生俯仰寬世路馳驅苦智者乘令時愚者懷樂土智愚  
共囂囂誰能老山墅伊余寡通識少小思遐舉豈敢矜高尚  
自顧慙伊吕至德不可幾榮名誠所忤曾無梁父吟於世亦  
何補

巖陽山

豁初出大澤山勢轉紆阻峭壁干青霄仰眎神驚沮溪水無  
安流石罅爭吞吐有時灑灑高險激瞿塘怒趨棧環隈隩陟  
嶺通林鷗菰蒲覆芳洲蘭茝散平階飛泉落清池循流澹容  
與翹首囑遠樵高蹤何踽踽顧盼越尋常風神復軒舉塵外

事已幽山中人自古猿鶴亦羣遊雲霞若爲旅平生念索居  
束髮慕元侶欲買東臯田來構西山墅不見采芝人蕭條獨  
延年

建溪偶詠

榮光人所惜微空我亦艱私心懷拙想常以逸爲歡開田役  
新功辛苦豈不煩學而時習之庶乃心性寬牽牛晨出野日  
夕持入欄朝耕夕且歌功隙有餘閑戮力隴畝間亮無饑與  
寒況有同居人骨肉相盤桓雖靡王子貴聊亦獲粗安

山中新晴喜明府鄒公見過

久雨農事荒新晴喜耕耨落日山鳥鳴淒清猶在目村童亦  
不閑時時見樵牧春菽已就刈濁膠應可掬忽聞君子來薰  
風滿谿谷

武甯縣志

卷三十七

藝文古體

三

三十一  
四百三十

谷中多佳卉黃薺味不羣能娛野人性亦與賢者分農務有  
時暇隴上看白雲白雲自往復縹緲猶爲君正爾可共歡逍  
遙盡良辰

山居清興賒窮巷車輪寡豈敢惜芹芳未足耐長者初夏草  
木繁青華被四野展懷發新詠風情皆瀟灑嗟予隴畝民素  
襟亦自寫

窮谷懷新意悠然鳴素琴春華榮夏日疎爽鬱幽陰凱風何  
處來翼我堂前林清賞不在多一晤卽知音虎溪三笑後萬  
壑自悲吟

武甯卧病歌

吳

東

潮州  
卧魯

雨戰寒邨落葉蒙衆賓豪飲萬山空微軀薄暮蒸內熱頭懸  
胸塞筋骨恫盛暮罷酒顏色赤招醫煎藥燈花碧促膝窗前

風颼颼夜半移我卧東宅紅爐大被疾箭忙小兒依依戀我  
床投藥念我唇舌苦茹以鹽梅及冰薑隣家砮杵聲壯激簷  
牙薄雪空浙漚有客手握紅幄圖貽我他年想慙慙神焦眼  
枯不敢覷謨來傍我曲折語耳邊枕席通石泉濯盡人間之  
泥淤嗚呼古來少年交遊多汝我如此如此能幾何速去呼  
童灑掃几上塵研墨索紙爲我書今日之病歌

流月池

趙由儀

南豐山南

陰僝白日寒飛瀑散雲霧可惜水晶簾流向人間去

字雲巢晚眺

遠鐘生暮寒杖策倚疎樹山月在前溪樵歌不知處

題字雲巢竹

偶然隨春風作此猗猗色生意無逢迎素心自寒碧

武甯縣志

卷三十七

藝文古體

三

四百八十四

落日漾寒翠自然生晚涼時見遠烟外流螢三兩行  
夜氣始蕭索清商歸此君秋聲不可見微露月中聞  
風雪空堂外珊珊骨節鳴碧天淨如拭葉葉抱孤清

豫甯留別盛季子

江城二月春轆軻寒雨滑滑泥沒髀魚龍偃蹇雲氣驕旅愁  
相鬱不可破頗憶君家好花萼倏聞卧病成摧挫夢中丹篆  
一摩挲紅玉火珠落咳唾天生斯人不泯滅會登玉堂備著  
作杳渺元氣相扶持膏肓二豎避譙呵扁舟存問南城隈秉  
燭開尊夜深坐病起雙瞳點如漆紫焰英英滿藜座微言玉  
屑深復深天星散落光侈侈名理將無有鬼神糠粃已覺盡  
揚歛丈夫意氣如雲山生計飄零有束縛十日聯床惜倉卒  
千里春糧已裝裹驪駒在路僕在門會稀別遠心無奈殷勤

強爲說前期復恐青衫淚沾旋杜鵑花殘春欲過鳴鳩乳燕  
聲相和此時哀樂難爲情願君怡神且高卧

黃婆洞

邑拔貢 盛樂水賓

縣岨啟兩壁突兀詎能平一水天際來驟若飛鴻驚無心相  
感激聲響自然清層層石潭兩幽幽山鬼鳴白日不到處時  
有春草生高樹結繁花枝條傍窅冥不剪亦不落萬古長華  
榮仙娥旣已邈几榻但空橫孤雲出洞口蕭然移我情

馬山小瀑布

白泉奔一岨岨高激其怒時見雲霧流隱聞雷雨度風來滿  
空谷颼颼感日暮日暮山色深惆悵失歸路

槐村田家

大雨在高山大日在四野老農念天時惆悵青松下

武甯縣志

卷三十七

藝文古體

二四

三百十七

留雪草堂

久託城南居塵高日景短草堂傍青冥新莓自階滿蕭蕭石  
壁陰希光下清淺零露在花枝灑灑晝不散露沈花始稀坐  
看歲華晚江海有長風岷嶮阻層巘嘆息遊仙人蠹沒不知  
返

山中

白雲山之上青雲山之下雲山時一開遙見幾頽舍綠草簷  
際生飛泉牖中瀉

劍門峽

峽在黃婆洞要仲子記所謂豁然中開者是也險奧  
恢奇水石爭扼予覽蜀記稱劍閣木門之勝當不是  
過用錫茲名繫之以詩



巨塊中開徑東西立崢嶸崎劍門峽石濤勢相傾誰謂天地寬茲途亦不平循循出幽阻忽若登層城臨風一呼嘯豁達來衆靈山河具織未帶礪非虛名君看野燒處耿耿飛秋螢東偏有石室蘿蔦緘丹經披藤取之讀可以得長生

寶竹堂雪月次王訥夫韻

皎月照何處淒淒滿園雪荒穢潛其下松竹相孤潔空堂留虛影淋漓動容色我欲窮其微內外無可說獨有南山翁燒石煮芝蕨

建溪雜詠

劍山絕雲表削出青芙蓉下爲處士宅上與天門通劍山

水自太平來劍是歐冶出一日三磨礱寒風夜瑟瑟劍溪

清岕扁石臼中有紫金丹我願假藥力一上碧霄看丹崖

武甯縣志 卷三十七 藝文古體 五 四百九十五

枯梅幾千樹花落何紛紛天香亦已靡人世終不聞梅林

南山何迢遙迢遙走數里荒林絕采薪虎豹日中起南山

上堂列詩書下堂陳農具外館何蕭蕭三株女貞樹蘭拙堂

斷岍垂朽木寒潭十尺深飛鳥縱橫至不亂釣魚心橋頭潭

華蓋老青山石室衆仙聚白雲不可羈高飛向天去華蓋山

溪水流東南劍山倚天外洞口翳高林風雲晝夜會石羊洞

稜離獅子岕碑兀驚猿度時有采薇人荷蓀歸日暮獅子岕

存吾園雜詠

何處風雨來亂我堂下竹蓬頭向主人不解理裳服寶竹堂

松條不厭寒松子不厭饑君看閣中人日夜松風吹隱壽閣

飛薨隱深處神鬼肆幽躩時有青鳥來來奏雲中樂瘦雪亭

君卧存吾園我歸劍水曲開懷向明月何事煩沐浴浴心池

延賓白雪宁不築黃金臺奈何寒極處尙許熱人來 冰序  
下里諸年少走馬紅蓮渠笑爾窮廬士年年空讀書 少廬  
讀書何爲者或曰渡榮舟季子持梁後不復理陰謀 半燭  
幸得託高處不受菘菹淫荒荒風雨夜君子張哀音 蘭嶼

憩馬山

上山稜離石老馬不可度石上千年蒼斑駁經霜露天雨東  
西流山風南北聚遙聞江瀉聲改入青松去

賓陽樓看雪

大帽乘酒勢登樓一長嘯北風吹雪來山河儼相照欲向此  
中言表裏集元妙

桑溪田家

山寒日彩薄秋風淒且亟田疇旣無事可以辨稼穡餘日盡  
武甯縣志 卷三十七 藝文古體 二六 四百廿七  
償貸晚豆飽蝨蟹芥菜持作羹甘苦半年食誰念刈穫時家  
家有饑色

龍鬢田家

歷歷山木下遙遙秋風起藉此秋風力四郵罷耘籽歲績雖  
云薄亮能完衫履念我有餘粒堂上足甘旨况乃雞鶩肥頗  
復習儀禮醪醕不外沽梨栗相代取周旋茆除下杯酒以爲  
喜夙昔闕重炊浩歎無窮已豈敢忘貧賤常恐成流徙惻惻  
懷饑寒于今獲生理

溪園秋夜會王世章李應熙飲茗歌

李先生王夫子且飲我山中之白茶啜我園中之白芷浮雲  
萬里不停陰莫向古今只愁死大堂細語危壁高候星閃閃  
搖天市二君胸次羅諸天傾出情懷不滿紙別有幽期說未

得君心我心都如此何處荒雞唱呢呢亂我談聲傷夜促南  
山之雨北山雲東家歌舞西家哭爭向東家另歌舞誰念西  
家哭聲苦哭聲由來徹八荒我輩聞之將何補從今偕作華  
山人一榻秋風枕左股

七里山

翰林能爲霖新建鶴嶠

我來雙芒鞋尋勝恣奇詭一線盤羊腸行行已七里青山蕩  
寒夢縹緲發神理上有千仞嵯半壁撐天起下臨深碧淵潭  
潭不可底螭鬣生幽光神與安所止險折紛藤蘿元宵靜太  
始一亭復一亭憇息托烟水悠哉淺瀨湍清吹滌雙耳

宿烟港田家

莫色凋霜風械械響丹麓中田望衡宇愛此田家宿門倚雙  
女貞茅茨堆古屋東籬結豆棚清翠滴寒竹屋角樓雞豚溪  
武甯縣志 卷三十七 藝文古體 七 四百九十六  
邊引黃犢困廩亦具陳爲我供脫粟雞黍聊殷勤丈人禮相  
屬酒酣談農桑課稅已具足再拜前致詞毫素懇尺幅感此  
野人情走筆蕩寒燭起看霜天星餘嘯振林木

字雲巢雜詠

古調不復作琴瑟爲荒涼苦心發高響海水回清滄 講堂  
高處不勝寒時有白雲到持贈亦復難婉轉約懷抱 雲巢  
空山無一物月牖開前除人影夜初靜涼月窺潛虛 象居  
大畜山在天五嶽起方寸矮屋八尺餘中有數千仞 約軒  
匡廬有鉄船石瓢十三幅昨夜西風來吹影落空谷 定帆  
紙愆益虛白石榻生青苔時作風雨聲秋從天半來 聽蕉  
莽莽輒紅塵不到鐵堂峽幽夢時復醒竹雲虛颯颯 隱雪  
斜照冷初碧繁陰落虛塢鐵篴從風來伊人不知處 柏塢

綠雪愛幽僻虛光生參差茶烟雨初歇鶴影來遲遲 竹巖

局外亦不喧局中亦不寂為揖松丈人掃徑與朝夕 茗亭

香雪迴春雲未許春風掃拂琴時一彈坐看青山老 梅花徑

隔村烟火溼濕雲吹不去葉葉為徘徊相思不相語 蕉堤

東風吹小圃小圃積寒莓如何幽絕處還有美人來 海棠圃

曲澗流寒泉蕭蕭五株樹烟雨吹窮廬門向板橋渡 柳澗

尺寸何森巖轉境得清悟一折一宵然不記從來處 危步

大壑問主人虛舟向誰寄去住兩無着蕩我空山翠 壑舟

字雲巢十二月七夜雨

寒月夜初碧溪口雲欲張飲我約軒酒燭影生青芒天地忽

賁鬱風迺跋扈疆天上走三峽失勢翻瞿塘萬木不可支震

動開八荒八荒暗蚰蚪百怪疑入腸石立霹靂門蛇鬼歛回

武甯縣志

卷三十七

藝文古體

三

四百八十七

皇神魄所素定險賊貞其常安得雙玉瑄吹噓乎陰陽開巢

看青山山氣何茫茫

月夜上三硤灘

雲奔雨驟雷磅礮三硤灘水何湯湯黃牛白馬駭不辨飛濤

直下翻瞿塘篙師舵師率險力毫釐得失神倉皇有如楚漢

雜沓簇旗幟雌雄一決爭滎陽又如井陘隘口束萬馬長平

草木為頽唐一輪霜月照平野萬象竦立山徬徨回波積勢

潭影黑魚龍戰乏酣睡鄉我亦醉瞑聽清籟耳根洗淨天清

涼

賓竹堂夜雨留別余齋菴少廬

我來烟雨秋淋漓燈沈花影高吟詩酒強詩力透十札君家

兄弟分道馳逸響回秋注欄溜騷騷浙浙長歌吹及今別歸

歲云暮東風掉轉蒼雲旗存吾園中舊雨痕積成新雨夢愁  
絲寒雞夜半聲喔促欲別不別神守遲相對且復傾一尊松  
濤倒落天四垂賓竹堂西有素壁霍然破雨爲留題

同字雲遊黃婆洞歌寄于明水賓時巢子楊光斗張任  
高懿盛琴并集

空山別有神奧地奔走靈厓爲氣勢電靈洵布生神光鬱結  
天荒不知歲玉清宮側二里許七折山腰草根細懸空前男  
窺幽深上捫神霄下無際一潭沁碧當巖口風雨龍蛇所盤  
會丹臺丹曰何雷靄摩厓蘚蝕神仙字劍山季子古石榻年  
年積雪生寒翠于明乃復得流月一簾白漉洗秋霽水光月  
影虛澌澌迴波不忍別山易劈開飛峽開重關倒落濃陰垂  
薛荔日芒虧蔽交瓮天宵然奧宅緘其內磊思潭水湔肺肝  
武甯縣志

卷三十七

藝文古體

二十九

五百五十

綠暈沈沈生甄甄岬頭飛瀑挂不得小作三疊停鏡吹石屋  
藏書深委宛玉卍琅函蘊元氣黃婆釀酒松花香滴泉甘冽  
有餘味當巔四眺山河空招揖山靈與進退跳珠泳筏亦偶  
然諸君三昧出遊戲時諸子取落木葉爲筏自崖噴珠榮擲池中而出蒼茫豈復有  
窮期狂歌一讀字雲記幽鑄瘦結古釵痕我亦孤吟竊其義  
萬二千年誰復來好爲愛惜搜元秘以上見緝山集

送別盛水賓歸武甯

編修 楊方立 瑞金 念中

劍山才人子墨客下筆琅琅走金石披襟風月酒百盃抵掌  
經綸喙三尺長安三月聯履慕秋心搖落秋風時悲歌擊筑  
荆高市眼底廓廓無羣兒趙州草沒平原墓千金駿骨無人  
顧春明門外路三千長風吹女天南去天南去莫徘徊男兒  
一事不稱意便當拂衣歸去來秋原之菘春田韭青山可樂

雲可懷安能鬱鬱逐塵網百年不得心顏開君不見南州高人徐孺子修名砥行卧蓬壘鶴書屢足猶不起至今風被東湖水見默堂集

### 逐虎行

邑貢 余 螭 少盧 生

余應觀妻盧氏事姑甚孝觀他出其姑與叔皆病卧一榻夜半虎破壁攫去盧急逐之虎棄叔取姑行里許盧追及之力與虎角竟奪姑還時盧懷娠明日臨產力盡不能免大呼而絕予既奇其事又傷其死作

### 逐虎行 見列女

日落西山月出東隅昊天云暮寥闕邨居嗟我姑叔頽然病軀阿夫于役誰與扶持深谷逶迤野樹風悲四山戚戚行當乖離行當乖離虎笑其饑姑落虎口叔亦從之扼虎之吭倚武甯縣志 卷三十七 藝文古體 三十一 四百八十

虎之足上山下山皇皇追逐虎馳亦馳虎驟亦驟奮呼擊虎沙飛雲走虎駭而奔阿姑乃脫負之俱來聲淚畢竭虛室蕭條殘燈欲滅力盡氣靡臨盆倉猝天命伊何奄然就卒我悲其遇更壯其烈是用作歌以昭迺節金石可殘此衷若揭日星河漢耿耿天末

### 豫甯雜詠十二章

面面迎風起宵然無向背望外晴嵐飛虛亭豁新霽 四望山 危濤峯

峰勢如湧出萬頃欲參天長風吹不去只在白雲邊 石船

一棹歸何處茫茫萬仞山寄語船上人維纜入雲關 石船

主人真好事開懷只探雲變滅為雷雨吞吐盡氤氳 字雲巢

好風自南來飄颻芙蓉葉捲簾受微涼清香並相接 延薰堂

洞留邃古名飛泉雲際落秋風浩蕩來虹霓滿巨壑 必義洞

頽岬延落日猿猱不敢度獨有采芝翁披雲出此路

擊賊崖

巨石臨溪流垂綸亦已久但看得魚時擲竿隨折柳

釣磯

古松成連理枝葉正相當清風一送響歷歷奏笙篁

連理松

高梧懸秋影藜桂發幽芳榮苑不相及托根尚同方

梧桂林

老柏何披離翠色落深井汲得仙家泉令我心魂冷

甘泉觀

几上青苔老几下冷泉深涪翁一局後寂寞到而今

弈几

### 遊長墅原同陳日新

尋幽恣遠意迤邐何所窮解衣陟層巘披榛探神蹤怪石裂

鬼斧危岬逼蒼穹俯瞰駭溪流仰矚眩山風山風入溪水激

蕩生姿容落日歸巖穴青烟繞長松寂寂人境暮遙遙天象

空攜手高陵上朗然開心胸

### 遊南山丁仙臺

## 武甯縣志

### 卷三十七

藝文古體

三

四百六十

南山接長墅蠶叢境獨開曲徑轉幽壑怪石上文苔我藉樵

牧力得到了仙臺仙人不可見空翠滴人衣嚴冬日色薄寒

氣鬱崔嵬陰巖時淅淅如聞笙鶴歸坐看烟雲起萬狀互旋

迴久乃變化生其端莫能推何年謝塵寰結茅向山隈山隈

肩元奧或有仙人來

### 存吾園候月

吉水汪 軼邑人 訓導亭

薄暮倚空堂遙見松濤騁暝色落高原窮華蕩淒冽衆鳥相

與來愛此深篁靜清響豁幽陰皓月開新景娟娟林竹光參

差媚虛影觀其離合意杳然心魂冷靜理莫能言懷抱從茲

永

### 孝烈坡歌

廉村葉氏婦周永英明末流賊之亂扶姑襁子走避

山中卒與賊遇被擄賊欲殺其姑英抱姑項以首迎  
刃賊釋姑挾英與子去越一山至坡欲污之英厲罵  
不從賊殺子以威脅而英罵愈厲賊怒亂刃俱下尸  
無完骸故其地至今以孝烈名焉 見列女

孝烈坡頭一抔土長留碧血映千古過者弔之慘以哀鄉人  
不忍道其苦時當明末兵氣流賊羣橫掠聲如虎葉氏舉家  
匿山中老姑幼子俱被擄孝婦貞心動天地賊渠肆虐誠淒  
楚老姑幼子生死時乞賊罵賊心無主姑得生還豈計身可  
憐刀下兒呼母此時恩義兩難全睜眼看濺兒血處烈性淋  
漓赤刃頭骨碎魂飄滿山樹山樹燐飛百餘年日月照之光  
常注

曉起望羅劍諸山

拔貢 楊 厘 南昌子

武甯縣志

卷三十七

藝文古體

三

四百七十

開我昨日牖不見昨日山觸目生變幻造化終不閒巢居知  
天風奔泉曉潺潺雷峰寄遙興新晴亦良難悠悠阡陌中忽  
如隔鄉關林端見飛鳥何時一來還

青牛洞 張甯

他鄉入眼川原異此中卻有避塵地碧樹難銷望關心金甌  
那識忠臣氣吁嗟乎人心不同乃如面盧杞之奸我未見

麻潭哀 胡紹遠

麻潭雲起風揚沙裂我壯士破我家上不爲星辰下不爲河  
嶽化爲厲鬼出復沒胡紹遠今何處白日荒荒潦水怒

訪字雲巢

主事 陶其憐 南城子

行役既已倦客心飛不了艱難一相見握手難草草况我望  
遠情夙與斯巢繞爲我開北窻高林延佳鳥寂坐衆音生野



風吹香皎渺渺山顛雲日夕巢中杳不有素心人何以清懷抱

酣碧軒爲盛季子歌

主事潘從龍南城雲五

軋軋機中女皎皎顏如玉十年抱幽貞瑱髮已局曲庶士伊可懷豈不念膏沐如何奔運徂賣珠猶補屋上山采白華終朝不盈掬薄言貽所思殷勤事結束歸妹固有期生事已云蹙日莫風颺颺三嘆倚修竹

元音不偶俗聽曲自有真淫哇恣嘲哂蠅聲振秋旻默運固使然亦或乘要津其中奮雌黃耳食爲屈伸安知千載上俯視生長嘖自從建安來長短難具陳慨彼供奉仙已自傷荆榛何以振元化再使王風醕遐哉終古事敬矣山中人

隱雪

武甯縣志

卷三十七

藝文古體

三三

四百六十四

從龍自盱水入修水訪字雲先生於巢時方新隱雪之室徙倚冰窻琴瑟相依夜闌飲酒縱談風雨交集慨然賦此留別且與巢中諸子爲他日重遊之約云

虛白迥朝莫流輝生素寒夫子真儒者窅然逸雲端天地相摩盪雪月爲波瀾悠悠明晦心流盼起長歎古道旣云邁大雅頽以殘延伫待來茲展轉屬艱難元宰留冲淡一縷遊姍姍自非靜者衷孰與深徃還嗟予事行役千里窮奇觀相對未及久征馬又悲酸人生多倉卒所親亦寡懽重遊尙何時三復繞修欄

南臯古樹行

廟門老柏不可當鬱葱千尺排天閭十圍銀杏倚屋立晝陰窅冥山鬼泣古槐詰屈姿稜嶒盤孳九曲山風奔偶來憇此

坐忘久鳥語不聞聞獅吼交柯接葉相飛翻蒼蒼雲氣隨人  
走我聞滄海踐作塵復見松柏摧爲薪何人大力培至此此  
中呵護疑有神遂使手澤留輪囷酒酣相視一改容水田漠  
漠三蛟龍已上見友巖集

遊柳山

歲貢 盧金鏡 邑人 秋水

終南有捷徑亦復窘其步可惜古今人出處難自如柳公事  
幽討頗窮山水趣如何此托棲終不失遭遇我來值深秋高  
舉每驚顧佳氣鬱清芬野烟蕩寒素山泉無復流舊井久荒  
涸古人去已遠遺蹟委霜露至今讀書處但有青雲路徘徊  
獨放歌悲風起高樹

廉村步月

月出羣山高天宇如清晝隨步到平陵幽襟光欲透豈有結  
武甯縣志 卷三十七 藝文古體 三四 四百二十

要心愛之常恐後精神寂寞時虛靈相授受始知夜氣真已  
復無聲臭誰向此中言遂得盡元妙

泗洲寺

蘭若多清幽此亦清幽處綠竹蔽門深不知臨廣路春色自  
親人遠得千山趣坐看雲霞生變幻紛朝暮未肯出塵寰徒  
爾閱多故解誦涅槃經何爲終弗悟

芙蓉池

張任

山谷晚風涼主人坐芳馥露下已盈盈鴛鴦未肯宿

疊蓮巖

皎月照空山清風幾度掃結根安可窮魂魄養深好

孝烈坡

日月久不到幽魂此夫路流螢高下飛蕭蕭風雨暮

玉枕山

山月象外明山花象外鮮歸鴻來天際縹渺晚風前

巖陽山

邑舉 楊光斗 文雪

瀑布下層崖危湍激險阻兩岍羣峰高一溪深盤沮溪橋嶺  
半浮巖雲空中吐颯颯風雨來隱隱蛟龍怒隈隩不可窮沿  
流上壁隴西望交魚洲南過飛鴻渚古木枝葉淡奇花意容  
與獨有鳳凰塘游人何踴踴高響聞天籟石骨爭軒舉山水  
信有神窈窕成今古誰懷洞中天坐忘雲霞侶嗟予重行役  
雙劍鳴逆旅今日憇山陰明日離山墅意象兩茫茫客路空  
延伫

白石溪夜坐

董逃行

拂白石兮揮絃空山流水窅然芙蓉月露涓涓照我衣裳翩

武甯縣志

卷三十七

藝文古體

三五

三十五  
三百八十四

翩如此良夜難言

遊黃婆洞

洞中幽雲生時與遊人紐榻寒鳥自鳴石門猿獨守當年風  
雨處丹灶復何有悠然磊思潭年年流月白

翠雲寺

回風蕩幽巘碧影落樵路幽禽時一鳴窅窅不可度

疊蓮洞

落日滿空山流影紛若絮春風吹不開秋風吹不去

南渡蚤發

邑舉 盛元績 蒼林

步屨出城郭日曉初秋罔流雲泛巨河舟楫方復整西風蕩  
微波淡此清江影鷗伏櫓聲閑魚出機心靜蒹葭日蒼蒼獨  
抱晨光冷

東郊紀遊

半規隱層巒寒暉流素影緣源路未窮葉落行踪冷一木架  
長橋深造無人境微星出樹間皓月生東嶺野寺落疎鐘為  
予發深省

丁仙厓

盧琢

暮雨宿南山丁仙雲際暝豈不懷寂寥終與世塵迥

破石潭

毒龍走江心仙人斷此石石裂不復合鼉鼉以為室

石鏡山

瑩瑩數丈厓山鬼對之泣絕壑風雨多念我衣裳濕

龍潭石

巨石立江干江水深且黑潛虬落明珠象罔求不得

武甯縣志

卷三十七

藝文古體

三六

三十六  
四百〇二

遊橫塘寺

羅應權

白雲在山巔我居山之下經年來一遊始覺吾心眼馳驟素  
所懷遠行言欲駕僧雛牽我衣俯仰於雲罅幽徑倘可通他  
日尙容借

遊擊賊厓

余詠建昌少哇

西山之麓石巘岈下有深溪何漫漫丈人盤踞幾千秋危濤  
削出高難攀曾聞小醜竄山郭呼羣引類恣劫掠飛騎四出  
天地昏行者倉皇居者愕時有英雄畫奇謀大義軒軒扶斗  
杓草木烟雲皆吾兵一夫當關萬夫卻至今餘威在山林風  
雲合沓滿邱壑我來弔古四月中禾黍油油山花濃蒼藤倒  
掛百尺樹飛泉奔瀉如長虹厓前厓後看碑碣古人事蹟何  
其烈颯颯陰風吹日暮徘徊厓下不能去

覽邑志有感遺詩以告來者 癸酉年作 余志達

康熙初年歲丙午郡志徵修檄吾武吾武邑侯雲夢馮開拓  
心胸為盛舉斗牛分野煥人文艾邑西安更僕數草堂笠履  
鄭山入齒蒼鴛鴦成吾侶蔡家老子世澤長山谷遺篇今可  
覩且復旦兮風雨深百年文獻存幾許故家舊牒飽蠹魚殘  
碑剝蝕歸荒土茫茫墜緒待修明逸者蒐羅闕者補燕許手  
筆不雷同皎如日月經天宇柳山創立青芙蓉修江倒影雲  
中樹奇崕怪石鬱蒼蒼英華一洩光千古大珠小珠貫琅函  
上獻輶軒供采取山中小子作遺詩後有作者應吾與

丙寅冬登雞籠山抵仙姑寺 張問達

夙心寄高曠徐步恣遊玩遐囑鷄籠山乃在天之半羣嶂互  
回環一峰呈婉變我欲踞其巔縱目窺星漢循行山徑來崎  
嶇非所憚解衣犯荆榛猿背引枝蔓蜿蜒陟平臺行隱千秋  
觀濃陰覆殘楹古木巢鵲鸛天日漏微光風影時歷亂遠水  
林外悠遙山不可辨秋聲斷續聞暗響流深澗幽意已留人  
心魂逐飛鴈無路凌絕巔仰面空顧盼安得五丁神縈紆上  
雲棧

武甯縣志 卷三十七 藝文古體 三七 四百九十五

廉村 羅 穆 睡泉邑人

人烟高下出一隈復一村山環雲不斷水遶萬家門沿流問  
風俗波濤時往還采采清溪花更涉平淺源澄我百年慮澹  
然無可言

叢雲洞 卽上黃源 邑歲 盧廷亮 星湖

叢巖何代闢我來發幽鑠一水通窮谷奇濤喧石蹠溪光時  
掩抑徑盤絕壁下翠籟泛希聲白雲袖中瀉遙望有老翁臨

風自瀟灑舉手謝遊人營營何猥瑣始知桃林外故有遊仙者

柳山

張濱

峭壁臨大河秀出西南巒萬丈千日星勢與匡峰伍歛然湧翠來縹緲蕩巖宇蕭蕭天上風雲烟互吞吐我聞舊隱者安居昵其所山鳥相與迎山客相與處偶爾度幽徑散帶憇石戶時或起謳詠逸響通林塢意景渺難窮清興由茲舉始知山水妙多為文人主何日託山隈復此坐風雨

冰文巖

積雪凍深山野火鎔不去所託何堅幽元奧生風露石魚藏其中冰文亦森若縹緲空巖外山烟蕩寒素我欲窮妙好盤曲得清悟

武甯縣志

卷三十七

藝文古體

三六

三百九十

石洋洞口晚眺

晚碧深樵路山水亦元奧何處蕭蕭笛高空響清妙清響入我絃殘月度遠照偶然天地心于以寓新好

溫泉

雪花落不白秋露滴不寒悠悠井中水紫氣結雲端其間氤氳意造化深盤桓

遊叢雲洞

邑舉 余鳴珂 讓麓人

崕石多奇詭幽雲更回互溪水曲折來危橋屢驚顧及茲秋氣涼潔意窮其趣披榛尋古洞盤紆得微路石前時小立隱隱見村樹中有仙人樂吹噓及日暮我願常託棲習靜起遙悟

龍潭偶詠

吳沅

魚夫不厭晚鷺鷥不厭寒雙槽搖秋江方將潭下看鯉魚語  
新鱸何故近波瀾萬丈龍之門暫可息雲端

遊冰文崑

余世藻

皚皚太古雪磊磊成臺榭中有雙鯉魚蜿蜒戲蓮座海水何  
嘗枯托足於崑下倚竇久徘徊涼風生石罅

山中雜詠

天風吹不散彼此互回環亦知噴霖雨未肯謝深山叢雲洞

偶然垂絲綸潭水浸衣碧遊魚不受釣坐此三太息釣磯

天地不厭奇巨靈不好逸萬狀呈低昂就竇開堂室魯溪巖

春風昨夜來荔帶密如織山雲深復深樵夫未相識薛荔崖

清泉漱山根虛影蕩林表寒雲流不盡臨風時縹緲流雲石

劍山何嶢嶢劍水何茫茫終日隱雲霧未忍露鋒銳劍山

武甯縣志

卷三十七

藝文古體

三

四百七十五

石室有真人長年理修髮殷勤為誰容乃亦戀巖穴治放崑

蒲帆揚不開疾櫓搖不去年年春漲深茫茫苦難渡石船

三碛灘邊風

三碛灘頭石齒齒狂風怒號捲江水鼉鼉躩立魚龍飛雲犇

雨驟萬怪起篙師舵師不敢停扁舟轉側驚濤裏欸乃喧逐

何勞勞得失沈浮爭尺咫左櫓右纜不得前一日舟行三四

里吁嗟連年走關河石尤于我長如此焚香酌酒祭江神好

風送我上涇濱

石羊洞浴羊池濯纓歌

盛樵

石羊洞口風初涼石羊洞裏已飛霜世上唯知厭清苦誰來

洞裏覓石羊洞裏延山皆種粟一瓢一豆亦自足不羨人間

有稻梁顧我令我情多辱我來池上思濯纓濯

驚池傍老人牽犢去謂我汚他犢口清

仙人潭

余光廷 汀瑰

獨立仙人潭竚望仙人至白雲度江水翩翩不我遲

青牛峽

我自山中來行過青牛峽不見騎牛翁滿山飛秋葉

靖公厓

盧宣梧

蒼厓依絕壁寒雲委溪水中萬斛泉晝夜流不已我欲陟  
其巔崎嶇不我以丈人何嗟峨危濤紫烟裏四顧發高吟颯  
颯狂風起

楊田看雪

朔風何處來吹作天上雪雪飛鳥亦飛深山愁欲絕

遊芳谷巖

葉雲

武甯縣志

卷三十七

藝文古體

罕

三百五十一

幽芳儲山腹春風幾度吹我來窮寒楊瑤草養淡姿遙見空  
樓外遠樹夕陽遲尙有雲梯在縹緲不可持

羅巖

雪壁明奧宅雲波蕩欲流清風颯然起虛響度高秋

大堯山

大山何堯堯巋然立雲表白日蕩我襟萬象空中繞

登觀音閣

費煌

倚山開峻閣隱凡聽江聲佛燈懸空外悠然遠世情我來延  
高眺時當秋氣清渡口邨烟合隔听遠峰橫山川長如此遊  
人遞送迎倚欄一長嘯蕭蕭聞鴈鳴

丈人峰

余霽

奇峰隱天際蒼然暮色深崑靄千山秀蕭疎一水吟年年空



悵望唯有白雲心

積雪石

盛韻

何人斲寒玉注此冰瑩瑩晶光所流露山谷亦聰明我欲詳  
其妙縹緲不可名

己卯夏修葺尊經閣志感四章

盧全迪 邑人 康夫

經始幾何日朽蠹輒如斯先志未敢負惻然憶曩時  
亦知莫為後手澤尙堪依低徊坐涼月不覺露侵衣  
亭亭堦下柏閱歷風雨深哲人雖已逝猶覩栽培心  
經尊閣亦尊石徑白雲屯幾回勞仰止寸心難具論

玉清宮品茶歌

葉期緯

天下何處茶山好蒙頂芥窩俱是寶鷹爪雀舌蘊寒香未若  
鐵斧真神巧浸淫太平絕頂之精華淨人肺腑雪皎皎自然  
武甯縣志 卷三十七 藝文古體 四 四百三十三  
道人遊其巔日沐月浴顏少小呼童汲引石船流文火細烹  
坐清曉蓬萊和風暢所懷合室松聲鼎上繞瓷杯靄靄碧雲  
橫飄飄素香飛不了王喬令威齊下車遙指山茗是仙草安  
得滿取注人間大潤羣生長不老

尊經閣卽事

邑舉人 盧琳 耘吾

己丑初冬廣文蔡愚山以尊經閣梁柱欲折告予兄  
弟予偕三兄琮八弟瑜葺之初先君子創於丙辰仲  
兄迪葺於己卯十年間竟又如此謹步原韻四章聊  
以志感

盤磴陟高閣風雨已如斯回首趨庭日不堪白髮時  
四望與玉枕山色自因依開窗延遠眺殘照下雙扉  
乃知崇經學由來託意深敢謂千秋業無愧古人心

十載牢騷意對此白雲屯長夜一尊酒默默不忍論

登柳山訪貞公祠

陳毓江

柳公祠堂碧雲中天然懸石捲清風我欲誅茆訪遺踪雙峰翠削青芙蓉仙鳧飛去碧雲封

柳山讀書臺

劉 斌

寒山多歲月石室從中開一榻卧雲根披卷清塵懷讀罷時高眺鴻雁自西來晶晶天宇曠四望重徘徊昔日讀書處今為弔古臺臺上有麋鹿臺下盡蒿萊荒烟沈不起斯人安在哉石榻如重下臨風傾一杯

登吳王峰絕頂

舒 素

諸峰高矗東南立一峰去天不盈尺天風披我上峰頂鐵塚雲深何處審舊志註世傳吳王塚以鉄覆磴轉飛隄勢盤窩種瓜人去老

武甯縣志

卷三十七

藝文古體

四

四百五十七

碧羅世傳孫鍾種瓜于此

迴瞰溪流走正練北注三硤如環掾匡山左

蠡排天際勺水那曾藏巽扇振衣長嘯谷風生張口呀呀亦有聲谷深穴黝門重束秉燭遊之夜不足峯于張口處有歸洞深不可窮

來流水桃花源蓬島迢迢在眼前

天柱山

邑廩 余光策 省之

秋日佳氣多徂涼生襟帶散步度平林鳥鳴高阜外高阜高無際石骨瀉清瀨白雲起空中團團上松蓋樵牧自往來猿鹿無驚害眷彼深山幽窅然發長嘅

獅子嵯

葉世熙

不識幾千秋長此獅嵯綠盤踞江之濱霧隱如雲宿客帆任斯須江風自往復我來秋正晚登眺恣所欲嵯上車馬喧嵯下蛟龍浴

重葺尊經閣志感

邑廩 盧為郭 若虛

聖道昭日月先人依其光巍哉肅廟貌尊疊有餘香高山與  
層雲惠我碧池水雲歸山亦空漑滋無窮已我懷其如何惆  
悵勞仰止

澗水嵯晚眺

吳江

青青嵯畔松鬱鬱嵯下草中有素心人徙倚山之島白雲宿  
前峰夕陽迷古道好鳥亦歸鳴伊嘸聲自好清泉落檐楹清  
風滿懷抱

羅峰

邑副 盛 翼 垂雲

羅峰高不已上欲捫天星其麓有靈窟溲然通洞庭

自在菴

即古蘭關寺

進士 李騰淵 德安人

伊誰設蘭闈枯坐以終老無人花獨開自在幽香好

武甯縣志

卷三十七

藝文古體

三

四十二 四百十一

春日遊柳山尋貞公讀書臺遺蹟

邑貢 熊鎮瀾 水冶生

少小慕茲山引領頭半白萬卷聖人書予予徒耳食寸心苟  
或汚一身良偈仄如彼終南峰何以見心跡柳公愛幽棲大  
節靡淄涅山靈汝何緣迺與斯人曠遂令據榮名岩岫生顏  
色草木自芳菲烟雲自離即骨立青霄中造化爭奇特拜瞻  
讀豐碑千秋情脈脈

遊崇福寺

何事關心者茗椀與詩筒攜我二三子眷言訪禪蹤桃花漸  
飛落柳絲正豐茸入山路已迥梵刹做晴空逸興生幽賞虛  
無見淵衷深心得所契尊前意俱融迢迢千載後風流憶遠  
公

春日過龍溪

熊應瑞

翹首望青峰峰入雲表薄言入瀧溪但覺衆山小頭上奔  
懸流足底度飛鳥策馬山之顛風來日初曉從此嗽春泉倏  
忽雲縹緲

饒灣望柳峰有感

陳介圭 自夫

蒙泉在山莫阜黃龍修水西來左蠡其東饒灣十里乃紆乃  
縈平潭夜靜星月溶溶柳峰倒影羅岱橫空吾愛吾廬宛在  
江中

劍池懷古

李吐芳 雯鴛

池草萋以綠池水清且盈我聞旌陽令捕蛟途所經拔劍一  
淬礪寶光何瑩瑩遊魚避其影妖魅潛其形始知仙人術磨  
鍊鋒乃成至今斗牛上夜夜劍氣橫

節婦潭

余 珮 韻珊

武甯縣志

卷三十七

藝文古體

四

四十四  
四百三十四

淒清節婦潭潭水深且潔澄如節婦心不受纖塵涅戴君臨  
別時節婦何嗚咽可憐捉月盟滿紙泪與血去住兩難全死  
生容易決至性誠激昂鬼神助其烈至今潭上雁蕭蕭淚殘  
月

補遺

石鼓歌

明庠 范 瓚 維新

古有神物名石鼓碑文字跡半消磨溯自攻同騁雄駿紀功  
勒石輝山河鴻篇鉅製那可讀如籀在口艱吟哦韓子去古  
既已遠俯仰曠代心研摩張華亦有桐魚說博雅淹通良足  
多悠悠世歷千年後豈復曉此名應訛我祖卜居欣戾止鑿  
泉壑出山之阿太璞天然去雕飾含章宛爾供厚抄亦似篆  
痕久漫滅淺深隱現如旋螺瑰奇崛起不終闕寶光閃爍涵

金波追琢既成必有用驚詔未識云如何會當特地發昏瞶  
一聲千里揚休和

武甯縣志

卷三十七

藝文古體

五

四十五  
五十五字